

Huuqli akiliqhiyughauyunga ikayuutunik?

Maligaliuqhimayutut akiliqhiyariaqaqtutit.

Nuliariik avittaraangamik, nutaraqarumiklu, apiqhuyit akiliqtuqunginnarialik inungnut aippainut ikayuutighaat nutaqqanut (nutaqqanut ikayuutit) ikayurahaqhgulu aippait (aippanut ikayuutit). Angiqatigiinginnarialiktauq aippaalu angayuqqaap/aipparalutlu taimaa atauhiq akiliqhivakluni ikayuutighanik nutaqqanut imaaluuniit aippanut akiliqhivakluni ikayuutunik. Pitquyauhimaguvit apiqhuyinut akiliqtuiyaami imaaluuniit angiqatigiikkuffilu ikayuqtuiyaami, talvuuna maligaliuqhimayutut akiliqtuiyariaqaqtutit.

Pitquyauhimaguvit apiqhuyinut titiraqhimayughaq talvani Ilagiingnut Ikayuqtinit talvani Titiraqvanit, akiliqtuiplutit, naunaiqhitiyauniaqqtutit taimaa akiliqhiyariaqaqtutit talvunga titiraqvanut Kinguvaruvit akiliqtaghanit, aghuuqlutik ikayuutighanik pinahuaqniaqtut Ilagiingnut Ikayuqtit havaktiit. Akiliqtuilaitkuvit, hivayaqlugu Ikayuqtit havakviat ahiagut akiliqtuinikkut ihuaqhailuhi.

Aallamik havaanikkumattaug?

Aallamik havaanikkuvit, havaaghairuvitlu, hivayaqtaghatit Ilagiingnut Ikayuqtit havakviat irinahugahaqlutit. Aallamik havaanikkuvit unniutiyaghatit taimaa akiliqtaghatit nutqaqtailiyughat kinguvaktailiyughatlu.

Qanuriliniaqtut akiliqhiyuitkuma?

Akiliqhiyuitkuvit ikayuutunik imaalu ilanganik akiliqhiguvit, taapkua Ikayuqtit aghuuqlutik akighanik pinahuaqniaqtut pitquyauhimagumi apiqhuyinut.

Ilagiingnut Ikayuqtit havaktiit hapkuninnga piinnarialgit:

- Akiliqtuiyughaq akighanit pinahuaqlutik (akiliqtauvaktainit atatjutit)
- Kavamaquatkunnit kiinauyaqtait pivigilugit (taapkuatut Havaaghailluqtunut Ikayuutit, Income Tax-nitlu)
- Titiraqhimayunik kiinauyait naunaitkutainik tunihiluhi apiqhuyinut
- Akiliqtuiyughaq apiqhuqtitaluni huuq akiliqhivaiqtuq
- Pitquilutik taimaa apiqhuyinut taamna akiliqhiyughaq itiqtauluni akiliqtuiyuitkumi.

Ayuqhaliruvit akiliqtuiyaami ikayuutunik, hivayaqtaghatit Ilagiingnut Ikayuqtit taimaa ahiagut akiliqtuinikkut ihuaqhailuhi.

Humut akiliqtaghatka tuyuqtaghat?

TUYUQTAILUGIT talvunga akiliqtauyughamut. Tamangnik akiliqtaghat talvunga akiliqtauyughat Ilagiingnut Ikayuqtit Atuqtittivalliyaitlu. Taapkuattaug havaktiit tuyuqniaqqtut akiliqtauyughamut. Titiraqviat talvaniittuq Iqalungni – Titiraqviat 297 talvani Nunavunmi Apiqhuyit Hanavianit, hivayaut (867) 975-6112.

Uqauhiit titirahiitlu atuqtauvaktut:

Family Support Program

Hapkua ikayuutit taiyauvakhimayut Aulapkainikkut Ikayuutit. Atia aallannguqtaupluni, havauhiit aulayuttut. Hapkua aullaqtitahimayut Ilagiingnut Ikayuutit taimaa nutaqqanut aippanullu ikayuutighait akiliqtauvaktughat. Hapkua titiraqviat talvani ittuq Ilagiingnut Ikayuqtit Titiraqviat Apiqhuyit Ikluqpaanit (Arnakallak Building) Iqalungni. Atauhiq ikayuqpauiat aulayuttuq hapkua titiraqviat katitirivaktut kiinauyaghaqnik (akiliqtauyughaq).

Family Support/ Maintenance

Ilagiingnut ikayuqtighat nuivaktut nuliariik avittaraangamik, nutaraqatigiikkumiklu. Ikayuqtaulaaqtutit ilvit nutaratillu:

- Apiqhuyit angayuqqaanut pitquhimagumik akiliqhiyariaqaqat ilingnut nutarainutlu. Katuqhiquhimaguffi katimahimaguffilu aippaalu angayuqqaap
- Pitquyauhimagumi apiqhuyinut aipparaluavit akiliqtuqhimagumi ilingnut. Taamna taiyauvaktuq aippaqnik ikayuqtuiniqmik.
- Angiqatigiighimaguffi aippaalu angayuqqaap/aipparalutit taimaa akiliqtuivangniaqtuq ikayuutighanik ilingnut.

Akiliqtuiyug:

Una akiliqtuivaktuq ikayuutunik. Pitquyauhimaguvit akiliqtuiniqmik nutaqqanut aippaqnutluuniit, taimaa akiliqtuiyutit.

Akiliqtauyug:

Una akiliqtauvaktuq ikayuutunik.

Ikayuutunik Pitquhimayut:

Ikayuqtuiniqmik Pitquhimayut taiyauvaktuttaug aulapkainikkut pitqtutit. Ikayuqtuiniqmik pitqtutit apiqhuyininngaaqtut, angirutiplunilu titiraqhimayumik, pitquhimayug akiliqtuiyumik taimaa akiliqhivakluni kiinauyaniq qakugunnguraangat ikayuutighat nutaqqanut aippaqnutluuniit.

Atauhiq havauhiat Ikayuqtit taimaa akiliqtauyughaq ikayurahaqhgulu akiliqtauniqmik. Taimaa piyaami, taapkua Ikayuqtit havaktiit aallatqiingnik hakugingnilgit kiinauyaqtarahuaqnikkut (aghuurahaqhgulu) pitquyauhimaguvit. Aghuuqalliavaktut akiliqtunngitpat taimaalu akiliqtuiyug atugaqaqat.

Atukkat:

Taapkua atugannguqaktut akiliqtuiyug akiliqhingitpat ikayuutunik..